

## II

Ovo rješenje stupa na snagu danom donošenja, a objavit će se u "Službenim novinama Kantona Sarajevo".

Broj 02-04-34257-3/22  
06. septembra 2022. godine  
Sarajevo

Premijer  
**Edin Forto**, s. r.

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 13a. stav (1) alineja 4. Odluke o preuzimanju prava osnivača Javne ustanove "Historijski arhiv Sarajevo" ("Službene novine Kantona Sarajevo", broj 3/99 - Prečišćeni tekst, 33/07 i 1/13), Vlada Kantona Sarajevo, na 229. vanrednoj sjednici održanoj 06.09.2022. godine, donijela je

## RJEŠENJE

O RAZRJEŠENJU DIREKTORA JAVNE USTANOVE  
"HISTORIJSKI ARHIV SARAJEVO"

## I

Haris Zaimović se razrješava dužnosti direktora Javne ustanove "Historijski arhiv Sarajevo" prije isteka mandata na koji je imenovan jer Skupština Kantona Sarajevo nije usvojila Izvještaj o radu i finansijskom poslovanju Javne ustanove "Historijski arhiv Sarajevo" za 2021. godinu.

## II

Ovo rješenje stupa na snagu danom donošenja, a objavit će se u "Službenim novinama Kantona Sarajevo".

Broj 02-04-34257-4/22  
06. septembra 2022. godine  
Sarajevo

Premijer  
**Edin Forto**, s. r.

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 17. stav (3) Zakona o izvršavanju Budžeta Kantona Sarajevo za 2022. godinu ("Službene novine Kantona Sarajevo", broj 5/22), Vlada Kantona Sarajevo, na 231. vanrednoj sjednici održanoj 08.09.2022. godine, donijela je

## ZAKLJUČAK

1. Odobrava se preraspodjela sredstava u Budžetu Kantona Sarajevo za 2022. godinu u iznosu 250.000 KM, i to:

Raz	Glava	Potr. jed.	Ekon. kod	Subanalitika	Funkcija	OPIS	Iznos u KM
						Sa razdjela	
						Ministarstvo za odgoj i obrazovanje Kantona Sarajevo	
						Sa ekonomskog koda (izvor 10)	
21	01	0001	6143	LAN0Q6	091	Tekući transferi neprofitnim organizacijama - predškolsko i osnovno obrazovanje	250.000
						Na razdjel	
						Ministarstvo privrede Kantona Sarajevo	
						Na ekonomski kod (izvor 10)	
18	01	0001	6154	IAU060	047	Podrška projektima PD Butmira	250.000

2. Ovaj zaključak stupa na snagu danom donošenja, a objavit će se u "Službenim novinama Kantona Sarajevo".

Broj 02-04-34642-6/22  
08. septembra 2022. godine  
Sarajevo

Premijer  
**Edin Forto**, s. r.

Ministarstvo za rad, socijalnu politiku,  
raseljena lica i izbjeglice Kantona Sarajevo

Na osnovu člana 168. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38/14 - Prečišćeni tekst, 38/16, 44/17, 28/18 i 52/21) i člana 3a. Pravilnika o obilježavanju "Dječije nedjelje" u Kantonu Sarajevo ("Službene novine Kantona Sarajevo", br. 1/19, 37/20, 38/21 i 35/22), ministrica za rad, socijalnu politiku, raseljena lica i izbjeglice Kantona Sarajevo donosi

ODLUKU  
O OBILJEŽAVANJU "DJEČIJE NEDJELJE" U  
KANTONU SARAJEVO ZA 2022. GODINU

Član 1.  
(Osnovna odredba)

Ovom odlukom preciznije se uređuje obilježavanje "Dječije nedjelje" u Kantonu Sarajevo za 2022. godinu (u daljem tekstu: "Dječija nedjelja"), termin održavanja, sadržaj i slogan "Dječije nedjelje", objavljivanje Javnog poziva za obilježavanje "Dječije

nedjelje" u Kantonu Sarajevo za 2022. godinu, način dodjele novčane podrške djeci, kao i iznos finansijskih sredstava za 2022. godinu koja su planirana za realizaciju "Dječije nedjelje", te druga pitanja značajna za provođenje Javnog poziva i realizaciju "Dječije nedjelje".

## Član 2.

(Termin održavanja i slogan)

- "Dječija nedjelja" se realizuje u cilju podrške djeci na području Kantona Sarajevo u periodu od 03. do 09. oktobra 2022. godine.
- U okviru obilježavanja "Dječije nedjelje" imajući u vidu nepovoljnu epidemiološku situaciju uzrokovanu bolešću SARS-CoV-2 učesnici obilježavanja "Dječije nedjelje" su dužni pridržavati se zdravstveno epidemioloških preporuka i naredbi nadležnih institucija.
- Slogan "Dječije nedjelje" je: "Sretan možeš biti svijete samo ako je zdravo i sretno dijete".
- Otvaranje "Dječije nedjelje" će početi svečanim obraćanjem ministrica za rad, socijalnu politiku, raseljena lica i izbjeglica

Kantona Sarajevo (u daljem tekstu: ministrica) putem nadležne Službe za protokol i press Kantona Sarajevo.

#### Član 3.

(Javni poziv)

Na osnovu ove odluke, objavit će se Javni poziv za obilježavanje "Dječije nedjelje" na web stranici Ministarstva za rad, socijalnu politiku, raseljena lica i izbjeglice Kantona Sarajevo (u daljem tekstu: Ministarstvo) [www.mrsri.ks.gov.ba](http://www.mrsri.ks.gov.ba). i u jednim dnevnim novinama koje se distribuiraju na području Bosne i Hercegovine.

#### Član 4.

(Učešće)

- (1) Javni poziv iz člana 3. ove odluke će biti upućen roditeljima, starateljima ili usvojiteljima djece koja boluju od maligne bolesti i imaju prebivalište na području Kantona Sarajevo.
- (2) Djeci iz stava (1) ovog člana dodijelit će se novčana podrška.

#### Član 5.

(Uslovi za novčanu podršku)

Uslovi za dobijanje novčane podrške su:

- a) da dijete boluje od maligne bolesti,
- b) da je prebivalište djeteta na području Kantona Sarajevo.

#### Član 6.

(Dostava prijave)

- (1) Prijave sa dokazima o ispunjavanju uslova iz člana 5. ove odluke Ministarstvu - Komisiji iz člana 7. ove odluke dostavljat će roditelj, staratelj ili usvojitelj.
- (2) Uz prijavu će se dostaviti dokazi:
  - a) medicinska dokumentacija kojom se dokazuje da dijete boluje od maligne bolesti,
  - b) CIPS-ova prijava prebivališta za dijete,
  - c) izvod iz matične knjige rođenih djeteta,
  - d) dokaz o starateljstvu ili usvojenju djeteta.
- (3) Ministarstvo će izvršiti uplatu novčane podrške djetetu koje boluje od maligne bolesti na bankovni račun roditelja, staratelja ili usvojitelja.

#### Član 7.

(Sastav i poslovi Komisije)

- (1) Za provođenje postupka za obilježavanje "Dječije nedjelje", ministrica rješenjem imenuje Komisiju za provođenje postupka za obilježavanje "Dječije nedjelje" u Kantonu Sarajevo za 2022. godinu (u daljem tekstu: Komisija) koja se sastoji od 5 (pet) članova.
- (2) Komisija iz stava (1) ovog člana će u roku određenom rješenjem, obaviti slijedeće poslove:
  - a) donijeti Poslovnik o radu,
  - b) prikupiti prijave za dodjelu sredstava novčane podrške,
  - c) izvršiti pregled dostavljenih prijava sa dokazima,
  - d) sačiniti konačni spisak sa prijedlogom pojedinačnih iznosa novčane podrške.
- (3) Nakon što Komisija utvrdi konačan spisak djece koja ispunjavaju uslove za novčanu podršku, sačinit će pojedinačne odluke o dodjeli novčane podrške.

#### Član 8.

(Sadržaj odluke o dodjeli sredstava)

U odluci o dodjeli sredstava Komisija će utvrditi pojedinačne iznose novčane podrške, te obavezu da se novčana sredstva moraju iskoristiti za potrebe ove djece.

#### Član 9.

(Pravdanje utroška)

Roditelj, staratelj ili usvojitelj je dužan da novčanu podršku namjenski utroši za potrebe ove djece, te da do 31.12.2022. godine Ministarstvu dostavi Izvještaj o utrošku ovih novčanih sredstava.

#### Član 10.

(Novčana sredstva za obilježavanje "Dječije nedjelje")

- (1) U Budžetu Kantona Sarajevo u razdjelu Ministarstva, na poziciji NAM 002 - Zaštita porodice sa djecom planirana su sredstva za obilježavanje "Dječije nedjelje" i u 2022. godini i ista iznose 33.000,00 KM (slovima: tridesettrihiljade KM).
- (2) Sredstva za obilježavanje "Dječije nedjelje" prikupljaju se u skladu sa Uputstvom o načinu uplate prihoda po osnovu "Dječije nedjelje" ("Službene novine Kantona Sarajevo" br. 6/14 i 38/19).
- (3) Raspodjela sredstava za obilježavanje "Dječije nedjelje" se vrši u skladu sa prikupljenim i raspoloživim finansijskim sredstvima na poziciji iz stava (1) ovog člana.

#### Član 11.

(Donacije)

- (1) U okviru obilježavanja "Dječije nedjelje" ministrica, na osnovu prijedloga Komisije, može dodijeliti donacije u novcu ili u stvarima udruženjima, fondacijama, ustanovama i drugim pravnim licima koja se bave zaštitom i brigom o djeci i njihovim porodicama, kao i porodicama sa djecom u stanju socijalne potrebe, sa ciljem poboljšanja njihovog socijalnog i drugog statusa.
- (2) Dodjela donacija iz stava (1) ovog člana vršit će se na osnovu kriterija koje će izraditi Komisija.

#### Član 12.

(Rok i način podnošenja prijave za dodjelu sredstava)

Rok za podnošenje prijave za dodjelu sredstava po Javnom pozivu je 8 (osam) dana od dana posljednje objave.

#### Član 13.

(Neblagovremene i nepotpune prijave)

- (1) Neblagovremene prijave Komisija neće uzeti u razmatranje i vratit će ih neotvorene uz dopis.
- (2) Nepotpune prijave, odnosno prijave koje ne sadrže propisanu dokumentaciju, Komisija će odlukom odbaciti.

#### Član 14.

(Prigovor)

- (1) Podnosioci prijave imaju pravo prigovora na odluku Komisije o dodjeli sredstava, kao i na odluku Komisije o odbijanju i odbacivanju zahtjeva.
- (2) Prigovor se podnosi ministrici u roku od 3 (tri) dana od dana prijema odluke.
- (3) Prigovor ne odlaže izvršenje odluke.

#### Član 15.

(Objava rezultata Javnog poziva)

Rezultati Javnog poziva objavit će se na internet stranici Ministarstva [www.mrsri.ks.gov.ba](http://www.mrsri.ks.gov.ba), i putem Registra transfera neprofitnim organizacijama i pojedincima iz Budžeta Kantona Sarajevo.

#### Član 16.

(Stupanje na snagu Odluke)

Ova odluka stupa na snagu danom donošenja i objavit će se u "Službenim novinama Kantona Sarajevo".

Broj 13-03/1-31-34001/22  
05. septembra 2022. godine  
Sarajevo

Ministrica  
**Ivana Prvulović, s. r.**

Na osnovu člana 168. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38/14 - Prečišćeni tekst, 38/16, 44/17 i 28/18) člana 3a. Pravilnika o obilježavanju "Dječije nedjelje" u Kantonu Sarajevo ("Službene novine Kantona Sarajevo", br. 1/19, 37/20, 38/21 i 35/22), a u vezi sa poglavljem III.2 Programa obilježavanja "Dječije nedjelje" u Federaciji Bosne i Hercegovine za 2022. godinu, broj 05-31/5- 1998/22 od 01.09.2022. godine,